



**SOALAN-SOALAN LAZIM (FAQ)  
PENDAFTARAN PELAJAR BAHARU  
KOLEJ POLY-TECH MARA BATU PAHAT**

## **PENDAFTARAN**

- 1) Saya telah memohon masuk ke Kolej Poly-Tech MARA Batu Pahat. Apakah yang perlu saya lakukan sekiranya saya menerima tawaran tersebut?**

Terdapat empat (4) langkah mudah bagi bakal pelajar untuk melengkapkan proses pendaftaran:

- a) Semakan permohonan kemasukan di laman web [www.kptm.edu.my](http://www.kptm.edu.my) => **Pelawat => Semakan Permohonan.**
- b) Membuat bayaran yuran pengesahan penerimaan tawaran dan yuran pendaftaran melalui atas talian (online) FPX.
- c) Membuat pengesahan penerimaan tawaran di laman web [www.kptm.edu.my](http://www.kptm.edu.my) => **Pelawat => Semakan Permohonan => Pengesahan dan Bayaran Yuran Pendaftaran.**
- d) Melapor diri di KPTM Batu Pahat pada tarikh dan masa yang ditetapkan oleh pihak kolej.

- 2) Dokumen apakah yang diperlukan untuk pendaftaran?**

- 1) Kad Pengenalan Pelajar (**wajib**)
- 2) Surat Tawaran atau salinan (**wajib**)
- 3) Slip Keputusan SPM/ Sijil yang berkaitan (**wajib**)
- 4) Salinan slip bayaran yuran pengesahan dan yuran pendaftaran.
- 5) Dokumen Set 1 dan Set 2 (sekiranya **TIDAK LENGKAP**, pelajar **DIBENARKAN** meneruskan pendaftaran).

- 3) Bolehkah saya mendaftar sedangkan saya tidak mengesahkan penerimaan tawaran pada tarikh yang ditetapkan seperti yang dikehendaki dalam surat tawaran.**

Pendaftaran tanpa pengesahan penerimaan tawaran tertakluk kepada kekosongan dan budi bicara pihak pengurusan kolej.

- 4) Bolehkah saya mendaftar jika kelayakan sebenar saya tidak memenuhi syarat kemasukan?**

Tidak boleh. Tawaran dengan sendirinya akan terbatal sekiranya anda tidak menepati syarat kemasukan ke KPTM.

- 5) Dokumen Set 1 saya masih ada yang tidak lengkap dan saya belum menjalani pemeriksaan kesihatan. Bolehkah saya mendaftar?**

Boleh. Tetapi anda perlu melengkapkan segala keperluan dokumen dan menyerahkan kepada pihak kolej selewat-lewatnya **dua minggu selepas tarikh pendaftaran**.

Pelajar boleh menyerahkan dokumen Set 1 yang **LENGKAP** ke Pejabat Akademik.

- 6) Bolehkah saya membuat pertukaran program atau kolej setelah melapor diri?**

Boleh. Walaubagaimanapun bergantung kepada syarat kelayakan untuk program tersebut dan kekosongan tempat serta atas kelulusan pihak kolej.

## **KULIAH**

### **1) Bilakah sesi kuliah akan bermula?**

Sesi kuliah akan bermula **MENGIKUT Kalendar Akademik** yang telah ditetapkan oleh pihak kolej (akan dimaklumkan kelak oleh pihak Akademik)

### **2) Berapakah tempoh masa pengajian bagi mengikuti diploma di KPTM Batu Pahat?**

Tempoh pengajian bagi mengikuti program diploma di KPTM Batu Pahat adalah selama **2 tahun 4 bulan**.

### **3) Bagaimanakah dengan pendaftaran kursus yang perlu saya ikuti sepanjang tempoh pengajian saya?**

Bagi pelajar baharu, pendaftaran kursus akan diuruskan sepenuhnya oleh pihak akademik kolej. Bagi pelajar kanan/lama, pelajar perlu membuat pra-pendaftaran kursus

### **4) Apakah keperluan lain untuk mengikuti kuliah seperti pembelian buku rujukan dan lain-lain?**

Keperluan buku / modul bergantung sepenuhnya kepada pensyarah kursus. Pelajar boleh merujuk kepada pensyarah kursus masing-masing semasa sesi kuliah bermula.

### **5) Bagaimanakan penyaluran maklumat berkenaan jadual kuliah dan juga peraturan-peraturan akademik kolej?**

Pelajar boleh mengakses jadual kuliah dan Buku Peraturan Akademik tersebut bagi tujuan rujukan dan panduan yang akan dimuatnaik di website KPTM Batu Pahat.

## **ASRAMA/KEDIAMAN**

### **1) Di manakah lokasi asrama siswa dan siswi?**

Lokasi asrama telah ditetapkan seperti berikut;

Pelajar siswi – Asrama Siswi, KPTM Batu Pahat (**GPS : 1.856248, 103.016255**)

Pelajar Siswa – Asrama Siswa di KKT M Sri Gading (**GPS : 1.850400, 103.078900**)

### **2) Adakah pihak kolej akan menyediakan pengangkutan dari asrama ke kolej? Jika ada, berapa bayaran yang dikenakan?**

Ya, pihak kolej menyediakan pengangkutan pergi balik dari asrama ke kolej. Jadual waktu kelas dan bas akan diberikan kepada pelajar. Bayaran yang dikenakan telah dimasukkan ke yuran asrama

### **3) Bolehkah saya membawa kenderaan ke asrama?**

**TIDAK BOLEH.** Pelajar baharu tidak dibenarkan membawa kenderaan sendiri ke asrama.

### **4) Adakah pihak kolej akan menyediakan penginapan asrama sepanjang 2 tahun 4 bulan bagi tempoh pengajian?**

Tidak. Pihak kolej hanya menyediakan penginapan selama **tiga (3) semester sahaja (tertakluk kepada keadaan semasa pengambilan pelajar bagi setiap semester)**. Walaubagaimanapun, sekiranya ada kekosongan, pelajar boleh memohon untuk terus tinggal di asrama.

### **5) Apakah kelengkapan yang disediakan oleh pihak kolej? Berapakah bilangan pelajar / bilik?**

Pihak kolej hanya menyediakan katil, tilam, almari dan meja tulis sahaja kepada pelajar. Pelajar perlu membawa kelengkapan yang lain. Satu bilik boleh memuatkan 5-6 orang pelajar / bilik.

### **6) Adakah yuran asrama (RM180/bulan) merangkumi duit makan dan minum pelajar?**

Tidak. Makan minum pelajar ditanggung sepenuhnya oleh pelajar sendiri. Walaubagaimanapun, pelajar boleh menggunakan kafeteria yang disediakan di asrama KKT M atau sekitarnya dan juga kedai makan berhampiran di kolej untuk urusan tersebut.

### **7) Sekiranya saya ingin memohon proses kaunseling atau mendapatkan khidmat nasihat dari kaunselor, bagaimanakah proses pelaksanaan sesi kaunseling tersebut?**

Bagi pelajar yang berada di kampus, pelajar boleh terus datang berjumpa di pejabat kaunseling. Untuk mendapatkan maklumat lanjut, pelajar boleh menghubungi kaunselor, En Ahmad Fazwan di talian 07-4559562 / 010-3413504.

- 8) Bagaimanakan tatacara pakaian pelajar lelaki dan perempuan untuk menghadiri ke kuliah? Adakah pemakaian jeans dibenarkan?

Tatacara dan kod pakaian yang dibenarkan bagi pelajar KPTM diringkaskan seperti Rajah 1:

RUPA DIRI DAN PAKAIAN				
Rupa diri dan pakaian seperti yang digambarkan di bawah mesti dipatuhi semasa aktiviti akademik dan semasa menghadiri majlis rasmi kolej.				
<b>A) KOD PAKAIAN : Kemas, Bersih dan Sopan</b>				
PELAJAR LELAKI				
				
BAJU T KOLEJ	KEMEJA F1	KEMEJA BERTALI LEHER	BAJU MELAYU	BAJU KURTA
PELAJAR PEREMPUAN				
				
BAJU T KOLEJ	KEMEJA F1	BLOUSE + SELUAR	BAJU KURUNG	JUBAH

Pemakaian jeans adalah **DIBENARKAN** tetapi mestilah jeans yang tidak lusuh dan sopan.

\* Pakaian ketat, jarang, palazo paras buku lali adalah **DILARANG**.

\* Pelajar boleh merujuk **Buku Panduan Peraturan Pelajar Kolej Poly-Tech MARA Pindaan 2019 di laman web rasmi KPTMBP**

## **PINJAMAN PELAJARAN MARA/PTPTN**

- 1) Bolehkah saya memohon pinjaman MARA/PTPTN bagi membaiayai pengajian di KPTM? Apakah syarat dan kelayakan pelajar untuk memohon pinjaman MARA/PTPTN?**

Boleh. Bergantung kepada kursus serta syarat yang telah ditetapkan oleh pihak MARA/PTPTN. Ia juga bergantung kepada kelulusan oleh pihak MARA/PTPTN.

### **\* SYARAT-SYARAT PINJAMAN MARA**

- a) Kelayakan SPM dan pelajar berstatus Bumiputera**

SUBJEK WAJIB KREDIT (GRED C) DIPLOMA TEKNIKAL <b>PROGRAM CC103 &amp; CT103</b>	SUBJEK WAJIB KREDIT (GRED C) DIPLOMA BUKAN TEKNIKAL <b>PROGRAM AB107 &amp; CT108</b>
MATEMATIK	
1 SUBJEK KUMPULAN SAINS/TEKNIKAL/VOKASIONAL	3 SUBJEK LAIN
1 SUBJEK LAIN	
LULUS SPM (LULUS BAHASA MELAYU & SEJARAH) ATAU KELAYAKAN SETARAF	

- b) Pendapatan sosio ekonomi keluarga**

Jumlah Pendapatan (RM) sebulan	Deskripsi
RM 0 – RM 8,000	Layak yuran pengajian penuh dan elauan sara diri
RM 8,001 – RM 15,000	Pinjaman sebahagian (Yuran pengajian SAHAJA)

### **\* SYARAT-SYARAT PINJAMAN PTPTN**

- a) Kelayakan SPM**

(Lulus SPM dan bersamaan syarat kelayakan masuk program)

- b) Pendapatan sosio ekonomi keluarga**

\*bergantung kepada jumlah pendapatan isi rumah

\*tertakluk kepada terma dan syarat PTPTN

**2) Adakah pinjaman pelajaran MARA / PTPTN termasuk yuran pengajian dan asrama? Berapakah jumlah pinjaman yang diberikan?**

Tidak. Pinjaman pelajaran MARA / PTPTN hanya merangkumi yuran pengajian sahaja. Yuran asrama ditanggung sepenuhnya oleh pihak pelajar. Walau bagaimanapun, jumlah pinjaman untuk yuran pengajian bergantung sepenuhnya kepada taraf sosio ekonomi keluarga.

**3) Alternatif lain sekiranya saya TIDAK LAYAK mendapat pinjaman/bantuan?**

Pelajar boleh memohon ke mana-mana pusat zakat negeri/ pusat baitulmal (bergantung kepada negeri kelahiran/tempat tinggal pelajar masing-masing). Walau bagaimanapun, jumlah bantuan yang diberikan bergantung sepenuhnya kepada pusat zakat / institusi yang dipilih.

**4) Bolehkah saya memohon untuk membuat bayaran yuran pengajian/yuran lapor diri melalui KWSP? Adakah pihak kolej akan membantu?**

Boleh dan pihak kolej akan membantu untuk urusan tersebut dengan membuat surat pengesahan dan pengeluaran surat tawaran kepada pihak KWSP dalam masa dua (2) minggu selepas tarikh pendaftaran.